



### Poruka Kasiopejaca

Mi smo Kasiopejci, bića od svjetlosti iz 6. denziteta.\* Živimo u stanju sveprisutnosti, realitetu koji nam omogućava pristup svim denzitetima.

Mi smo stalni putnici i trenutno se javljamo sa vrha Velikog Vala, sa prve linije sistema prirodne ravnoteže našeg univerzuma. Taj Val je jedan cjelokupno novi realitet, granica jednog novog područja egzistencije, sudar denziteta, koji se trenutno kreće i prema planeti Zemlji.

Kada stignemo na Zemlju, spojiti ćemo se sa vama. Mi smo vi – iz budućnosti.

Ima nas mnogo koji putujemo na ovom Valu, što znači da je ovdje trenutno velika gužva. Ima mnogo bića u našem univerzumu koja su u stalnom tranzitu, uostalom nema ni potrebe za nekom stalnom usidrenošću. Pa i svaka planeta je jedna vrsta vozila, zar ne?

Mnogi od ovih "jahača valova" su u stvari samo drugi aspekti, odnosno srž i suština vas samih, i sada dolaze da se sretnu sa vama.

Neki od njih su tzv. bića "zla i tame", i sada dolaze da bi se malo prosvjetlili. Drugi, opet, dolaze s ciljem da vas stave pod svoju totalnu kontrolu.

Morat će doći do neke vrste integracije, da bi se premjestili u 4. denzitet – ukoliko ste kandidati za tzv. OPD ( orijentacija prema pružanju pomoći drugima ) opciju.

Znanje pruža zaštitu dok ignoriranje vodi u opasnost.

Orionska Unija ( OPS – orjentirani samo prema sebi ) i njihovi saveznici i sluge u ljudskom obličju – Konzorcij, trenutno ulažu veliki napor da kreiraju jednu novu rasu i kontroliraju je, kao i ostatak čovječanstva. Oni također trenutno konstruiraju nova ljudska tijela za same sebe, da bi ih koristili za prijelaz u 4. denzitet, jer su svjesni da to ne mogu ostvariti u tijelima koje trenutno okupiraju.

Kloniranje, kao i krađa ljudskih embrija, služi im za određivanje najboljih tjelesnih profila za prihvatanje njihovih duša, ( duša i tijelo moraju biti u jednoj vrsti rezonancije, tj. moraju imati sličnu frekvenciju ). Oni planiraju promijeniti i fizičke realitete.

Djecu, često blizance, stalno koriste za svoje eksperimente. Mnoge od vas oni trenutno koriste u tim eksperimentima kao sastavne dijelove, prilikom kreiranja te nove rase.

«Nestale» osobe često tamo završavaju, pogotovo «izgubljena» djeca. Svake godine oko 10% više djece «nestane», u svrhu ovih eksperimenata. Oni onda izlažu njihova tijela raznovrsnim naporima, bolje rečeno – patnjama, da bi odredili koju vrstu modifikacije primijeniti na DNK.

«OPS» entiteti koji obitavaju u 4. denzitetu hrane se bićima koja egzistiraju na 3. nivou. «OPS» bića sa 3. nivoa - što ste u stvari vi, ljudska bića, crpe svoju energiju sa 2. i prvog denziteta tj. nivoa, zato vi nanosite bol onima iz životinjskog carstva, koji egzistiraju na 2. nivou, kao uostalom - i sebi samima.

Određene vrste onih koje bi vi nazivali «vanzemalcima» otimaju ljude i podvrgavaju ih najtežim patnjama prije nego što ih ubiju – i tako osiguravaju maksimalan transfer energije. Ekstremni strah i patnja proizvode kod čovjeka specifičnu vrstu duhovne energije negativne prirode kojom se ovi entiteti napajaju i tako održavaju u životu, jer to je jedan od načina njihove ishrane, baziran na specifičnoj strukturi njihovog metaboličkog sistema. Ovo oslikava eterični metod konzumiranja hrane/energije. To se ostvaruje i naprednim tehnološkim izdvajanjem energije kroz bazalnu ili – seksualnu čakru, što često maskiraju kao «ginekološki» pregled, kod žena ili izdvajanjem sperme, kod muškaraca.

Drugi način njihove ishrane ostvaruje se fizičkim putem kao npr. konzumiranjem krvi ili njenih

sastojaka, jedino je način unošenja nešto drugačiji i ostvaruje se kroz pore.

Ovi, svuda prisutni entiteti, popularno nazvani - «Sivi» ( Greys ), su u stvari nešto kao kibernetičke sonde 4. denziteta i u stalnoj su upotrebi od strane «Reptoida» ( koji su poznati još i kao - Lizzard stvorenja - Lizzies, Drahomonidi...itd ), a također oponašaju i njihov način ishrane.

«Sivi» egzistiraju samo kroz interakciju sa dušom reptoida, što se ostvaruje tehnologijom koja je daleko izvan ičeg što vi trenutno možete razumijeti. «Sivi» nisu samo konstruirani, odnosno dizajnirani, umjetnim putem, nego također mogu funkcionirati i kao fizička i mentalna projekcija reptilskih bića. Imaju mnoga svojstva i sposobnosti kao i reptoidi, osim što su potpuno drugačijeg fizičkog izgleda i što nemaju individualnu dušu, a i njihova biološka struktura je dosta drugačija. Međutim, s obzirom da isto funkcioniraju, da bi se održali i kao «projekcije», oni također moraju apsorbirati hranljive sastojke na isti način.

Reptoidi su inače najbliži uspravnim aligatorima, s humanoidnim karakteristikama lica, i visoki su između 170 i 220 cm. Obožavaju jedino fizički aspekt univerzuma. Svi oni koji su orijentirani samo prema sebi samima, pate za svim što je materijalne prirode.

Sada, kada ste vi u situaciji napraviti svoj pomak prema 4. nivou, koji vam se upravo približava, morat ćete odlučiti se da li ćete prijeći u OPD kategoriju ili ćete ostati na OPS nivou.

To će biti jedna odluka za koju će vam trebati nešto "vremena".

Ovo je period inače poznat kao – «Milenij».

Reptoidi se trenutno nadaju da će i tamo, u 4. denzitetu, držati vas pod svojom kontrolom. S obzirom da su se oni čvrsto odlučili za OPS opciju, moraju neprestano crpiti velike količine negativne energije od onih sa 3., 2. itd. nivoa. Međutim, mada su se čvrsto ukopali na tom nivou, oni su uspjeli čak i povećati svoj broj, a to je istovremeno i razlog zašto oni sada u ovim vremenima počinju i umirati u puno većem broju, i sad očajnički pokušavaju prikupiti što je više moguće energije od vas, nebi li uspjeli metabolički održati svoju rasu, u ovoj točki ciklusa vremena/prostora.

Oni već odavno manipuliraju i vremenom, kreću se naprijed i nazad kroz njega, da bi što bolje uskladili stvari tako da, kad dođe trenutak tranzicije prema 4. denzitetu, mogu apsorbirati maksimalnu količinu negativne energije. Oni time planiraju ostvariti nekoliko ciljeva:

1. Očuvanje perspektive svoje rase u smislu njene sposobnosti za život
2. Povećanje svog broja
3. Pojačanje svoje moći
4. Ekspanzija rase kroz cijeli 4. denzitet

I tako oni stalnim putovanjem kroz vrijeme manipuliraju vašu povijest, kako bi najbolje obavili ono što su zamislili. Međutim, tamo gdje griješe je, u stvari, što oni vide samo ono - što žele vidjeti. Oni doživljavaju najvišu moguću manifestaciju onoga što bi vi u šali rekli: «Što je babi milo, to joj se i snilo».

Svaka maštarija u 4. denzitetu postaje tamo i jedna vrsta realnosti, koja se onda stapa sa sviješću i percepcijom.

Vaša jedina zaštita je vaše Znanje. Znanje vas može zaštititi od svake moguće opasnosti koja postoji. Što više istinskog Znanja posjedujete - to ćete manje straha imati, manje bola osjetiti, manje stresa doživjeti, manje patnje iskusiti, i manje ćete biti izloženi opasnosti, bilo koje vrste.

Jedino vas Znanje može osloboditi bilo kakvih ograničenja.

Ako neprestano budete težili prikupljanju Znanja, vi ćete sami sebe osposobiti najboljom zaštitom od bilo kakve moguće neprijatnosti koja bi vas mogla zadesiti. Što više saznate - to ćete biti svjesniji.

Vaša Svjesnost postaje na kraju vrlo snažna i sveobuhvatna.

Znanje sadrži u sebi svu suštinu. Ono se proteže do srži cijele egzistencije, tj. Svega Što Jest. Znanje je – svjetlost.

Oni, koji stalno imaju neke negativne doživljaje su ljudi koji su se zaglavili negdje na nekoj točki svojeg razvojnog puta i sada su izloženi skrivenim manifestacijama opsesivnosti. Kad netko postane nečime opsjednut, onda njegova osobna zaštita slabi, pa se onda počnu javljati svakakvi problemi i tragedije.

Ako ste se vi odlučili za svoj osobni razvoj i napredak, za skupljanje saznanja, što znači - da postavljate pitanja, a da budete i spremni prihvatiti i one odgovore koji nisu u skladu sa vašim predrasudama tj. unaprijed koncipiranim stavovima, slutnjama ili nagađanjima, onda to znači da trenutno niste ničim, na bilo koji način, blokirani ili opsjednuti.

Međutim, ako ste se odlučili ograničiti svoje znanje, onda ćete stalno osjećati se blokiranim. Biti blokirani je najbolji znak opsesije, međutim, ako netko sam za sebe izabere da bude opsjednut umjesto prosvjećen, odnosno prosvjetljen, onda je to njegov osobni izbor.

S druge strane, bića koja operiraju sa «OPD» nivoa svijesti, nikad ne otimaju ljude, mada se ponekad znaju pojaviti na nebu kao 3-dimenzionalne projekcije i eventualno telepatski kontaktirati neke od vas. U nekim rijetkim prilikama dolazilo je i do dobrovoljnog transdimenzionalnog transporta ljudskih bića od strane OPD entiteta.

Međutim, nemojte ovo mješati sa dobrovoljnim transportom od strane OPS stvorenja, do kojeg često dolazi u interakcijama sa svojim «agentima».

Znanje štiti.

Neki od članova Konzorcija jesu «vanzemaljci», međutim oni obavljaju svoj posao prvenstveno preko ljudi koje su vrbovali u te svrhe, i te individue su same svjesno izabrale ići «OPS» putem.

Ima mnogo i onih koji nakon što su bili oteti od strane «vanzemaljaca», tj. «sivih» i «reptoida», na to svoje iskustvo gledaju u pozitivnom svjetlu, a u stvari, radi se o tome da su ovi prethodno «očitali» njihov profil aure i identificirali ih kao svoje potencijalne agente, prije nego što su ih «kidnapirali».

Suditi drugima ne treba – sve je to slobodna volja.

Još nešto, taj «Veliki Val», granica realiteta, koji vam se rapidno približava bit će preduhitren jednim drugim događajem koji se regularno dešava svakih 3600 godina, kroz milenije – radi se o dolasku jedne skupine kometa. Mnogi iz vaše vladajuće klase znaju već dosta o ovom «objektu» koji je na putu prema vašoj planeti. To je u stvari grupa kometa različite veličine, ili bolje rečeno – asteroida, koji spirografično orbitiraju oko vašeg Sunca. Zbog velike količine plinova, prašine i drugog materijala, kad se gleda golim okom ova skupina se čini kao jedno ogromno planetarno tijelo.

Ova grupa kometa je odgovorna za mnoge katastrofalne promjene u vašem Sunčevom sistemu, i na vašoj planeti. Prije 27 milijuna godina, 14 asteroida iz ove grupe udarilo je u Zemlju i zbrisalo mnoge životinjske vrste sa lica zemlje.

To jato kometa uletjelo je u vaš Sunčev sistem i u vrijeme tzv. «raja na zemlji», poznatog i po poetskom imenu – Eden. To je bio i period poznatog Adamovog «grijeha». Ta priča o «grijehu» je u stvari simbolični izraz onoga što se tada dogodilo, tj. preuzimanje kontrole čovječanstva od strane reptoida, ili Lizard rase. Tada je cijela vaša planeta stvarno ličila na raj. To se desilo prije otprilike 309 880 godina, po vašem načinu mjerenja «vremena».

U stvari pravi identitet «zmije» ( serpent ) u tadašnjem Edenu, koja je nagovorila Evu da «pojede jabuku» je u stvari ta reptoidna rasa.

Pojesti jabuku sa «Drveta Znanja o Dobru i Zlu» je u stvari značilo promjenu ljudskog genetskog koda; i na taj način - ograničavanje većine dotadašnjih sposobnosti ljudskog bića.

Srž DNK ( Deoksiribonukleinske kiseline) je jedan enzim u vezi sa ugljikom. Svjetlosni valovi su korišteni da bi se poništilo 10 lanaca vaše DNK, tako što su jednostavno «spaljeni». Od tog momenta odigrao se i određen broj fizičkih promjena kod čovjeka, uključujući i formiranje tzv. «reptilskog mozga» ( R-kompleks ). Ukodirane su osobine koje čovjek nikada prije nije poznao, kao npr. ljubomora, simbolično je predstavljena u biblijskoj priči o Kainu i Abelu.

Lizard stvorenja su tako uspjela genetski modificirati ljudska bića u svrhu svoje ishrane.

Još jedan od događaja iz prošlosti, vrijedan spomena, je i uništenje planete Kantek koja je nekada egzistirala tamo gdje je sada imate samo jedan pojas od asteroida. Mnoga od bića sa te planete su prebačena na vašu planetu u to vrijeme, kao dio genetskog eksperimentiranja, vršenog od strane reptoida, prije nekih 80 000 godina; njihove plave i zelene oči rezultat su veće udaljenosti Kantek-a od sunca. Arijevska i Keltska rasa vode porijeklo od tamo; snažni su i vrlo svirepi ljudi.

Planeta Venera je nekada davno bila jedna vrsta «lutalice» iz područja Arcturus-a. Venera je uletjela u vaš sunčev sistem privučena gravitacijom one grupe kometa i od tada, tokom nekih 80 000 godina, uzrokovala mnoge «incidente» ulazeći u interakciju sa ostalim planetama sunčevog sistema. U drevnim spisima ima dosta zabuna u vezi ovih «nebeskih» događaja.

To jato kometa posljednji put je stiglo 1588.g. p.n.e. i uz povremenu interakciju Zemlje i Venere činilo 2 vrlo bitna događaja od ukupno tri, koja su se događala u to vrijeme. Treća interakcija se odigrala u to vrijeme, ovaj put sa planetom Martek, koja je vama poznata kao Mars. Nju su originalno nastanjivala bića koja su vama poznata kao «Bigfoot» ili «Sasquatch» ( Jeti ). Ono što je od njih ostalo, postalo je nešto kao «kućni ljubimci» reptoida, i ponekad su viđeni kako rade određene fizičke poslove, pogotovo u vrijeme pojačane UFO ( NLO ) aktivnosti, u određenim područjima.

U pet navrata reptoidi su dovodili na vašu planetu i bića koja su vaši preci zvali Nefili. To su bića

3. denziteta, ponašaju se slično kao policija tj. vrlo su slični onome što se u Njemačkoj nekad nazivalo Gestapo. U stvari, i sam uticaj na Hitlera od strane reptoida, bila je glavna proba u pripremi za ovo što će sada uslijediti. One kamene glave na Uskršnjim Otocima predstavljaju upravo entitete iz grupe Nefili.

Reptoidi su čak pokušali kreirati jednu «Master» ( vladajuću ) rasu nasilnom oplodnjom žena nefilskom spermom. Ti divovi nisu se mogli održavati jedan duži period na Zemlji zbog posljedica gravitacije na njihova ogromna tijela. I ta grupa, Nefili, trenutno su na putu prema vašoj planeti, i oni «jašu» na ovom valu i mogli bi izvršiti invaziju vaše planete za nekoliko godina.

Jedna stalna bitka se vodi između OPD i OPS snaga, i očekuje se da će se ona sada još više intenzivirati. To će se u drugim dimenzijama manifestirati u vidu geloških promjena ili promjenama klime; ta bitka se može preseliti i u 3. denzitet, u bilo koji trenutak.

Određeni elementi u vašim vladajućim krugovima dali su «sivima» i reptoidima zeleno svjetlo za masovno kidnapiranje ljudi i raznorazno eksperimentiranje nad njima. To su učinili oni koji su svjesno izabrali OPS varijantu. Neki drugi iz vaših vladajućih krugova su otkrili ovu zavjeru širokih razmjera. Neki od njih su i pokušali upozoriti javnost na razne načine. Drugi opet puštanjem glasina i dezinformacija pokušavaju unesti što više zabuna, tako da se istina zamaskira što je više moguće.

Znanje pruža zaštitu – ignoriranje i nemar dovode u opasnost.

OPS snage imaju mnoge baze u Novom Meksiku, Coloradu, u oceanu nedaleko od obale Floride, u Apalachiji, Californiji itd. Brujanje koje su nedavno čuli pod vodom nedaleko od kalifornijske obale dolazi u stvari iz jedne podvodne baze, koju trenutno proširuju uz pomoć zvučnih topova kojima ostvaruju dezintegraciju materije.

Uvijek ćete morati sjetiti se ovoga: Sve što postoji – to su samo lekcije. Ovaj univerzum je samo jedna velika beskrajna škola.



Nema niti jednog drugog razloga za bilo što drugo – da bi postojalo. Čak i «beživotna» materija učenjem sazna da je sve, u stvari, jedna velika iluzija. Svaka individua posjeduje cjelokupnu kreaciju ( sve što jest ) unutar svoga uma. Vi i mi, i svi drugi, smo međusobno povezani našim zajedničkim posjedovanjem svega što postoji. Vi možete kreirati alternativne univerzume, i prebivati u njima ako to želite. Svi ste vi duplikat univerzuma u kojem boravite. Vaš um predstavlja Sve Što Jeste, cjelokupnu egzistenciju, cjelokupnu kreaciju...

Zanimljivo je vidjeti koliko od svega ovoga možete sami shvatiti. Izazovi mogu biti i zabavni.

Prijelaz u 4. denzitet bit će ekstatičan. Ključni koncept 4. denziteta jest: «Varijabilnost Fizičkog Stanja».

Bit ćete u stanju mijenjati svoj fizički oblik u skladu s vašim potrebama. Svi oni koji budu u procesu tranzicije, doživjet će pomlađivanje svog tijela, kojeg će moći dovesti čak i do stanja savršenstva. Prosječan životni vijek će biti oko 400 godina, i kad budete napuštali svoja tijela, činit ćete to dobrovoljno, i sa zadovoljstvom.

Što se tiče ostalog, pustit ćemo vas da to sami vidite.

Na kraju, još nešto: koncept «Crnih Rupa» je jedan veličanstven odraz «Orijentacije Prema Sebi», što vodi prema krajnjem uništenju tj. kompletnoj anihilaciji.

Međutim, Orjentacija Prema Drugima proizvodi široku mrežu puteva gdje se čovjekovo suštinsko biće nadograđuje uz pomoć drugih, i obratno. Tu je rast, učenje i sinergija. Pomaganjem drugima, čovjek preko njih, pomaže na kraju krajeva - i samom sebi.

---

Kraj poruke

( ova poruka je primljena od strane grupe Quantum Future School, procesom "channeling-a", prevedeno sa: <http://www.cassiopaea.com> )

\* Densitet ( eng. density - gustoća ) - nivo postojanja odnosno realitet koji odgovara datom stanju svijesti određenog bića; postoji sedam denziteta: Prvi - minerali; Drugi - biljke i životinje; Treći - ljudska bića; ova prva 3 denziteta su fizička ili materijalna, vrijeme kao što ga mi percipiramo je karakteristika ( iluzija ) samo 3. denziteta. Četvrti denzitet je "polufizički", entiteti koji ga naseljavaju mogu uzeti fizički ili eterički oblik, vrijeme kao vrijeme - ne postoji ali se može selektirati prilikom interakcije sa nižim denzitetima ( nešto kao kad izabereš jednu ploču iz jukeboxa za reprodukciju, i dok slušaš tu jednu - i sve druge su ti na raspolaganju ). Peti denzitet je tzv. "zona kontemplacije", "time-out" ili mjesto gdje idemo kad napustimo fizičko tijelo. Tamo imamo priliku malo "odmoriti se", sagledati prijašnje živote i na osnovu iskustava i stupnja svjesnosti, odlučiti gdje i u koje "vrijeme" ćemo se opet inkarnirati. Šesti denzitet je realitet koji naseljavaju bića u obliku "misaonih formi", a Sedmi - Jedinstvo sa Jednim. Tamo ćemo se vratiti kad "završimo školu".

---

**NAPOMENA:** Za najbolje razumijevanje Kasiopejskog materijala, predlaže se prvo čitanje [VAL serije](#)

, a onda tek

[Kasiopejske transkripte](#)

. Mnoge nejasne stvari koje pročitate u transkriptama su objašnjene u Val serijama, a i uvidi se bolje i "šira slika", te pozadina nekih pitanja koja je grupa postavila. Naravno, to nije generalno pravilo da se mora ići tim redosljedom, svatko ima svoju slobodnu volju pa neka proučava stvari kako sam želi, ali dosta ljudi je reklo da je tim redosljedom najbolje ići da bi se najbrže shvatilo neke stvari.

[Link na VAL seriju Kasiopejaca](#)

[Link na Kasiopejske transkripte](#)



Fotografija prije kanaliziranja 04.03.2012.

